

'Tradisi parti perlu diper tahan'

UM 2 3 MAY 1984

KUALA LUMPUR 22 Mei - Datuk Sri Dr. Mahathir Mohamad berkata **sungguhpun UMNO merupakan milik semua orang tetapi tidak ada sesiapa pun yang berhak memusnahkannya kerana keinginan peribadi.**

Dalam hubungan ini tradisi parti perlu dipertahan, tambahnya dalam satu temuramah dengan Bernama disini semalam.

Musa mengekalkan jawatannya kerana kedua-dua adalah pemimpin berkebolehan, Perdana Menteri berkata bahawa itu boleh dijadikan satu jalan keluar.

Bagaimanapun, kerana Tengku Razaleigh tidak bertanding bagi jawatan Naib Presiden, itu tidak lagi merupakan satu penyelesaian.

"Adalah jelas selepas apa yang berlaku dalam pemilihan Timbalan Presiden yang lalu bahawa kita dapat memberi tempat kepada dua orang tetapi tidak bagi satu kerusi," katanya.

Kandungan sepenuhnya temuramah itu disiarkan di muka 19.

Perdana Menteri' ditanya sama ada cadangannya supaya dikekalkan tradisi ada kaitan dengan rasa bimbangannya terhadap masa depan parti itu memandangkan perebutan untuk berkuasa dalam parti itu sekarang.

Katanya: "Memandangkan amalan tradisi yang dibuat menghasilkan kekuatan dalam UMNO hari ini, seseorang itu tidak seharusnya mengeneipkan tradisi semata-mata kerana ia satu tradisi lapuk, satu tradisi yang berfaedah patut dikekalkan."

Mengenai pertandingan tiga penjurua bagi jawatan Timbalan Presiden minggu ini antara Datuk Musa Hitam, Menteri Kewangan Tengku Razaleigh Hamzah dan bekas Menteri Besar Selangor Dato' Harun Idris, Datuk Sri Dr. Mahathir berkata beliau tidak perlu mengulangi pendapatnya mengenai perkara itu kerana beliau telahpun meringkangkannya dengan jelas beberapa kali.

Perhimpunan

Bagaimanapun, apabila ditekankan sama ada kenyataan yang dibuatnya semasa perhimpunan agung UMNO tahun lalu bahawa beliau dan Datuk Musa dapat bekerja dengan baik bermakna sukar baginya untuk bekerja dengan orang lain sebagai Timbalan Presiden, beliau menjawab:

"Tunku Abdul Rahman (bekas Perdana Menteri) pernah berkata adalah lebih baik bekerja dengan orang jahat yang kita kenal daripada orang baik yang kita tidak kenal."

Menyentuh tentang cadangan setengah anggota UMNO bahawa adalah lebih baik bagi Tengku Razaleigh bertanding jawatan Naib Presiden bagi membolehkan Datuk

Mengenai alasan Dato' Harun bahawa tujuannya bertanding ialah untuk menyatukan anggota - anggota UMNO yang kini berpecah akibat pertandingan tahun 1981, Datuk Sri Dr. Mahathir berkata itu tidak merupakan sebab tunggal Dato' Harun membuat keputusan.

Bertanding

"Selain daripada itu kita tidak harus lupa beliau juga bertanding kerana beliau tidak puas hati dengan pucuk pimpinan sekarang," katanya.

Perdana Menteri juga mensifatkan sebagai "tidak perlu" arah haluan kempen untuk jawatan - jawatan parti sekarang dengan berbagai taktik termasuk tekanan digunakan.

"Tekanan - tekanan atau perhimpunan berpuak - puak dan cuba membawa semangat kenegerian untuk diri sendiri dan orang lain tidak boleh datang ke negeri mereka dan menggunakan taktik - taktik paksaan, pada pendapat saya adalah tidak baik."

"Umpamanya jika terdapat sebuah negeri yang tidak berani menyatakan sokongan untuk orang lain melainkan orang tertentu, sudah tentu ia satu perkara yang kurang baik. Manusia harus bebas untuk mengeluarkan perasaannya."

Mengenai penggunaan video, kad - kad nama, buku - buku, risalah - risalah dan buku - buku kecil, beliau berkata:

"Saya fikir tidak perlu. Merupakan satu arah - haluan yang kurang baik. Ia merupakan satu arah - haluan yang akan membawa kepada penyalahgunaan kuasa, menyalahguna wang."